

## სსიპ დავით აღმაშენებლის სახელობის საქართველოს ეროვნული თავდაცვის აკადემიის შიდა წესი

ეროვნული თავდაცვის აკადემიაში ბაკალავრიატის საგანმანათლებლო პროგრამებზე მიიღებიან:

1. 24 წლამდე აბიტურიენტები, რომლებიც დარეგისტრირდნენ მიმდინარე წლის ერთიანი ეროვნული გამოცდებისათვის (ელექტრონულად აპლიკანტები რეგისტრირდებიან მხოლოდ შეფასებისა და გამოცდების ეროვნული ცენტრის ვებგვერდზე [www.naec.ge](http://www.naec.ge)). რეგისტრაციისას აირჩიეს აკადემიის საბაკალავრო საგანმანათლებლო პროგრამა/პროგრამები;
2. ერთიან ეროვნულ გამოცდებს აბარებენ შემდეგ საგნებში:  
ზოგადი უნარები  
უცხოური ენა  
ქართული ენა  
მათემატიკა/ისტორია
3. ერთიანი ეროვნული გამოცდების ჩაბარებამდე, აბიტურიენტებმა უნდა გაიარონ რეგისტრაცია აკადემიაში. რეგისტრაციისას აბიტურიენტებმა უნდა წარმოადგინონ საჭირო <sup>1</sup>დოკუმენტები. რეგისტრაციის შემდგომ მოხდება აბიტურიენტთა გადანაწილება შესარჩევ ტურზე, რომელიც შედგება შემდეგი კომპონენტებისგან: **ფიზიკური მომზადების ტესტის ჩაბარება**, **სამედიცინო შემოწმება**, **ფსიქოლოგიური შერჩევა-გასაუბრება**.

---

### 1. <sup>1</sup>საბუთების ნუსხა:

1. განცხადება (შეავსებთ აკადემიის მიმღებ კომისიაში)
2. ავტობიოგრაფია (ხელნაწერი და ნაბეჭდი) – 2 ეგზ.
3. დაბადების მოწმობის ასლი – 2 ეგზ.
4. პირადობის მოწმობა (დედანი), ასლი – 2 ეგზ.
5. ზოგადი განათლების მოწმობა (დედანი), ასლი – 2 ეგზ. ან ცნობა სწავლის შესახებ - დახასიათება.(არსებობის შემთხვევაში უმაღლესი განათლების დიპლომის (დედანი), ასლი – 2 ეგზ.)
6. ქორწინების (განქორწინების) მოწმობის ასლი – 2 ეგზ. (არსებობის შემთხვევაში)
7. შვილების დაბადების მოწმობის ასლები – 2 ეგზ. (არსებობის შემთხვევაში)
8. ოჯახის წევრების პირადობის მოწმობის ასლები (მშობლები, მეუღლე, შვილები, და-ძმა) – 2 ეგზ.
9. მართვის მოწმობის ასლი – 2 ეგზ.
10. ცნობა ჯანმრთელობის შესახებ (ფორმა NIV-100/ა)
11. ცნობა პროფილაქტიკური აცრების შესახებ ("MMR" – წითელა, წითურა, ყბაყურა; "TD" – ტეტანოსი-დიფტერია) – 2 ეგზ.
12. ცნობა ნარკოლოგიური შემოწმების შესახებ – 2 ეგზ.
13. ცნობა ნასამართლეობის შესახებ – 2 ეგზ.
14. ცნობა სოციალური მომსახურების სააგენტოდან (სახელმწიფო გასაცემლების შესახებ) – 2 ეგზ.
15. შრომის წიგნაკის ასლი – 2 ეგზ.
16. მიღებული სერტიფიკატების ასლი
17. სამხედრო ბილეთის ასლი ან წვევამდელის სამხედრო-საადრეცხო მოწმობის ასლი – 2 ეგზ.
18. 6 ცალი ფოტოსურათი 3X4-ზე და ელექტრონული ვერსია (CD);
19. მუყაოს საქაღალდე - 2 ცალი.

## სამედიცინო შემოწმება

სამედიცინო კომისიაზე გასასვლელად, აბიტურიენტთა დაბარება ხდება აკადემიის გამშვებ პუნქტთან ჯგუფებად, დღეში არაუმეტეს 50 კაცისა. ჯგუფის გადაადგილება ჰოსპიტალმდე ხდება აკადემიის სატრანსპორტო საშუალებებით. გადაადგილებას ხელმძღვანელობს ლაზარეთის სამედიცინო პერსონალი. აბიტურიენტების ჰოსპიტალში მიყვანის შემდეგ, ხდება მათი დაყოფა ჯგუფებად. თითოეულ ჯგუფს ჰოსპიტალში გამოეყოფა სამედიცინო პერსონალი, რომლის ხელმძღვანელობითაც ხდება აბიტურიენტთა შემოვლა ექიმ-სპეციალისტებთან. ყველა სპეციალისტის დასკვნის შემდგომ, რომელიც კეთდება თავდაცვის მინისტრის #360 ბრძანების საფუძველზე, სამხედრო საექიმო კომისიის თავჯდომარე გასცემს სამედიცინო ბარათს ფორმა #9, რომელშიც დაფიქსირებულია აბიტურიენტთა ჯანმრთელობის სტატუსი.

აკადემიაში ჩაბარების უფლება აქვთ იმ აბიტურიენტებს, რომელთაც უფიქსირდებათ `ვარჯისია` თავდაცვის ეროვნულ აკადემიაში მისაღებად. ეროვნული თავდაცვის აკადემიაში დასკვნების გამოგზავნა ხდება ადამიანური რესურსების მართვის განყოფილებაში კონფიდენციალურად ელექტრონულად.

## ფიზიკური შესაბამისობის ტესტირების ჩაბარება

ეროვნულ თავდაცვის აკადემიაში ჩასარიცხად აბიტურიენტებმა უნდა ჩააბარონ ფიზიკური შესაბამისობის ტესტი. - ფიზიკური შესაბამისობის ტესტი მოიცავს სამ სასწავლო ღონისძიებას, რომლებიც ტარდება სისწრაფის, კუნთის ძალის, ამტანიანობისა და კარდიორესპირატორული სისტემების მოქმედების შესაფასებლად. - ფიზიკური შესაბამისობის ტესტირების შედეგებით ვლინდება აბიტურიენტთა ფიზიკური მომზადების საერთო დონე. მნიშვნელოვანია აბიტურიენტთა ფიზიკური შესაძლებლობების განსაზღვრა, რათა აკადემიაში ჩარიცხვის შემთხვევაში იუნკერებმა დასძლიონ პროგრამით გათვალისწინებული დატვირთვები და დააკმაყოფილონ ფიზიკური მომზადების მინიმალური დონე. აკადემიაში ფიზიკური შესაბამისობის ტესტის ჩაბარება ხორციელდება „საქართველოს თავდაცვის ძალების დარიგება ფიზიკურ მომზადებაში“ შესაბამისად.

ფიზიკური მომზადების ტესტირება არის კომპლექსური, რომელიც შედგება 3 (სამი) ვარჯიშისაგან:

1. იატაკიდან აზიდვა;
2. მუცლის პრესი;
3. 3200 მეტრზე სირბილი.
  - ვარჯიშით- " იატაკიდან აზიდვა" - მოწმდება გულ-მკერდის, მხრებისა და ტრიცეპსის კუნთების გამძლეობა
  - ვარჯიშით - " მუცლის პრესი" - მოწმდება მუცლისა და ბარძაყის კუნთების გამძლეობა.
  - ვარჯიშით- 3200 მეტრზე სირბილი მოწმდება კარდიორესპირატორული სისტემების მომზადების დონე და ფეხის კუნთების გამძლეობა.

ტესტის თითოეულ სახეობაში პიროვნებამ უნდა დააგროვოს მინიმუმ 40 ქულა, ხოლო სამივე სახეობაში მინიმუმ 120 ქულა.

დაუშვებელია ვარჯიშის თანმიმდევრობის შეცვლა. აბიტურიენტებს ვარჯიშებს შორის ძალების აღსადგენად ეძლევათ მინიმუმ 10 წუთი.

აბიტურიენტს ფიზიკური შესაბამისობის ტესტი ჩაბარებულად ეთვლება, თუ მან დააგროვა მინიმუმ 40 ქულა.

**ფსიქოლოგიური შერჩევა-გასაუბრება.**

ფსიქოლოგიური შერჩევა მოიცავს რამდენიმე ეტაპს:

1. ტესტირება - საქართველოს თავდაცვის სამინისტროს სოციალურ საკითხთა და ფსიქოლოგიური მხარდაჭერის დეპარტამენტის წარმომადგენლები ატარებენ ტესტირებას, რომელიც კანდიდატს აფასებს 5 კატეგორიის მიხედვით:

- მიღწევის მოტივაცია
- დისციპლინა
- პრეზენტაბელურობა
- ფსიქოლოგიური სტაბილურობა
- ლიდერობა
- ინტელექტი

2. კლინიკური გასაუბრება - რა დროსაც ხდება კანდიდატის დიაგნოსტიკა ფსიქიკურ აშლილობებთან დაკავშირებით.

3. ფსიქოლოგიური გასაუბრება - რომელსაც ატარებს აკადემიის შერჩევის კომისიის ქვეკომისია. მის შემადგენლობაში შედიან სხვადასხვა სტრუქტურული ერთეულების წარმომადგენლები, როგორცაა: ბაკალავრიატი და სასწავლო ბატალიონი, ფსიქოლოგიური მომსახურების განყოფილება და ა.შ.

- ფსიქოლოგიური გასაუბრება ტარდება წინასწარ შედგენილი <sup>2</sup>კითხვარის მეშვეობით, ხოლო საჭიროების შემთხვევაში, დამატებითი შეკითხვების დასმა ხდება.
- კანდიდატი ჩათვლება რელევანტურად, თუ კი იგი საერთო ჯამში დააგროვებს ქულათა მინიმუმ 50%-ს;
- კანდიდატი დაძლევს ფსიქოლოგიურ გასაუბრების ეტაპს, თუ კი კომისიის წევრთა ნახევარზე მეტი კანდიდატს ჩათვლის რელევანტურად (დაზუსტებას საჭიროებს შემთხვევა, როდესაც ხმები თანაბარია)
- გასაუბრების კომისიის ყოველი სხდომის ბოლოს კეთდება ოქმი, სადაც ჯამდება მიღებული შედეგები.

გასაუბრების კომისია თითოეულ კანდიდატზე გადაწყვეტილებას იღებს საქართველოს თავდაცვის სამინისტროს სოციალურ საკითხთა და ფსიქოლოგიური მხარდაჭერის დეპარტამენტის წარმომადგენლების მიერ მიღებულ გადაწყვეტილებასთან შეჯერებით.

---

<sup>2</sup> წყარო: „საჯარო დაწესებულებებში ადამიანური რესურსების მართვის სახელმძღვანელო“, თბ, 2013.